

D^a ROSA ANA PRADA QUEIPO, SECRETARIA DO CONCELLO DE AMES NA PROVINCIA DA CORUÑA

CERTIFICO: QUE O PLENO DESTE CONCELLO LEVOU A CABO SESIÓN ORDINARIA O 26 DE XULLO DE 2012, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE.

ACTA DA SESIÓN ORDINARIA LEVADA A CABO POLO PLENO DO CONCELLO O DÍA 26 DE XULLO DE 2012.-

No Salón de Sesións da Casa do Concello de Ames, ás vinte horas (20:00) do día 26 de xullo de 2012, reúnese o Pleno do Concello en sesión ordinaria de primeira convocatoria, baixo a presidencia do Sr. alcalde don **Santiago V. Amor Barreiro** e coa asistencia dos/as señores/as concelleiros/as seguintes:

Grupo municipal Popular	Grupo municipal Socialista	Concelleiros non adscritos
Ramón García Argibay	Patricia Conde Lois	Olalla Alvite del Río
María González Gómez	Carmen Fraga Crespo	María Pilar Candocia Pita
M ^a Eugenia Martín Vicente	José Francisco Doval Galán	Xosé Anxo Doval Rey
Emilio Martínez Carballeira	Isabel González Cancela	Susana Mallo Redondo
Bernardo Moar Míguez	José Manuel Miñones Conde	
Alfredo Taboada Alvelo	José Pazos Balsa	
M ^a Carmen Verde Leboráns		

Asiste o señor **interventor** don José Antonio Rueda de Valenzuela.

Actúa como **secretaria** a titular da Corporación dona Rosa-Ana Prada Queipo.

Non asisten os concelleiros/as dona M^a Dolores Fernández Álvarez, don Manuel Ferreiro Santiago e don Alfonso Rey López.

A) PARA DAR CONTA:

Punto Primeiro.- Dar conta ao Pleno da Corporación dos decretos ditados pola Alcaldía dende a última sesión plenaria ordinaria.

O señor alcalde don **Santiago V. Amor Barreiro** informa á Corporación que os decretos ditados pola Alcaldía dende a última sesión plenaria ordinaria estiveron a disposición de todas/os as/os concelleiras/os na Secretaría Xeral, engadindo que o acceso aos decretos é libre para todas/os as/os concelleiras/os en calquera momento na Secretaría Xeral do Concello, e que con ocasión da convocatoria dos plenos ordinarios o que teñen a súa disposición é o libro oficial, en papel timbrado e numerado, ademais dos duplicados existentes nos distintos departamentos do Concello.

Punto Segundo.- Información periódica a render ao Pleno, en execución do acordo adoptado en data 26/08/2010: Execución do orzamento ao remate do 2º trimestre do exercicio 2012.

O señor alcalde don **Santiago V. Amor Barreiro** da conta deste asunto, informando que estivo a disposición das/os concelleiras/os dende a convocatoria da comisión informativa a documentación que conforma este expediente, onde figura o estado da execución orzamentaria correspondente ao segundo trimestre deste exercicio así como as facturas pendentes de tramitar.

Punto Terceiro.- Información ao pleno, en execución do disposto no artigo 4.3 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, informe sobre o cumprimento dos prazos previstos no artigo 216.4 do Real decreto Lexislativo 3/2011, de 14 de novembro, polo que se aproba o texto refundido da Lei de contratos do sector público, para o pago das obrigas de cada Entidade local, correspondente ao 2º trimestre do exercicio 2012.

O señor alcalde don **Santiago V. Amor Barreiro** da conta deste asunto, informando que estivo a disposición das/os concelleiras/os dende a convocatoria da comisión informativa a documentación que conforma este expediente.

Punto Cuarto.- Información ao pleno, en execución do disposto no artigo 5.4 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, relación de facturas que presentan unha demora na tramitación superior aos tres meses, correspondente ao 2º trimestre do exercicio 2012.

O señor alcalde don **Santiago V. Amor Barreiro** da conta deste asunto, informando que estivo a disposición das/os concelleiras/os dende a convocatoria da comisión informativa a documentación que conforma este expediente.

B) PARA DELIBERACIÓN E ACORDO:

Punto Quinto.- Aprobación inicial do orzamento municipal 2012.

Antes de dar inicio ao debate deste asunto os concelleiros da oposición informan da súa intención de presentar emendas ao orzamento, facendo chegar 3 emendas á mesa presidencial.

Toma a palabra o señor alcalde don **Santiago V. Amor Barreiro** para dicir que acaban de presentarse neste momento 3 emendas ao orzamento tanto polo grupo municipal socialista como polos concelleiros non adscritos, e, unha vez consultado co señor interventor municipal e a señora secretaria xeral, visto que estas emendas teñen repercusión económica, debido a que os acontecementos e os cambios lexislativos fixeron que estas emendas non puideran ser tratadas con anterioridade na comisión informativa correspondente, deben ser informadas, polo que decido deixar este asunto sobre a mesa para solicitar os correspondentes informes e traelas a unha nova sesión.

Ante as preguntas de varios concelleiros da oposición sobre se deixar o asunto sobre a mesa non debería votarse, toma a palabra a señora secretaria dona **Rosa Ana Prada Queipo** para dicir: A retirada dun asunto incluído na orde do día cando se propoña, debe votarse, pero neste caso en concreto de presentación de emendas, como non podería votarse o fondo porque é preceptivo informe de intervención, pode quedar o punto directamente sobre a mesa.

O señor **alcalde** anuncia que se pasa ao seguinte punto da orde do día, á vista de que as emendas deben informarse.

O señor **Miñones Conde** solicita que conste en acta que solicitan a retirada das súas emendas, a efectos de tratar o orzamento, ao que se nega o señor alcalde.

A señora **Candocia Pita** solicita que conste en acta que solicitan a retirada das súas emendas e a secretaria dixo que temos dereito a retiralas e se están vulnerando os nosos dereitos ao non aceptar a retirada das emendas cando a señora secretaria indicou ao señor Argibay e ao señor alcalde que podemos retirar as nosas emendas.

O señor **alcalde** solicita que conste en acta que á vista das emendas presentadas e

dado que precisan informes de intervención, decidiu deixar o asunto sobre a mesa.

Neste momento do desenvolvemento da sesión os/as concelleiros/as da oposición abandonan o salón de plenos.

Punto Sexto.- Prórroga do contrato de xestión da piscina cuberta municipal “A Telleira”.

Toma a palabra o señor alcalde don **Santiago V. Amor Barreiro** para informar substancialmente que a empresa que xestiona a piscina cuberta municipal A Telleira solicitou ampliación do contrato por tres anos en base ás obras que vai efectuar en beneficio deste equipamento de titularidade municipal, presentando a correspondente documentación. Os servizos económicos informaron favorablemente a ampliación deste contrato de xestión por un ano.

(.....)

Rematadas as intervencións, o Pleno da Corporación por unanimidade dos membros presentes adoptou os seguintes acordos:

Primeiro.- Autorizar unha prórroga de 1 ano na duración do contrato de concesión administrativa da xestión, explotación e mantemento da piscina cuberta municipal “A Telleira” subscrito no ano 2006 entre este Concello e a empresa Serviocio, cultura, deporte y recreación, S.L, o cal pasaría de 11 anos (*10 anos iniciais + prórroga de 1 ano xa autorizada en sesión plenaria de 21-xullo-2008*) a 12 anos, en contraprestación á realización ao seu cargo das obras de reforma das instalacións contempladas na memoria presentada xunto coa solicitude de prórroga da concesión.

Segundo.- Dar traslado deste acordo á empresa concesionaria aos efectos oportunos.

Terceiro.- Facultar ao señor alcalde-presidente don Santiago Vicente Amor Barreiro para a realización de cantas actuacións de trámite sexan precisas para a mellor execución do acordado.

Punto Sétimo.- Autorización da operación de endebedamento correspondente á segunda fase do sistema de pagamento a provedores articulado polo Real decreto lei 4/2012, de 24 de febreiro.

Toma a palabra o señor alcalde don **Santiago V. Amor Barreiro** para informar substancialmente que hai dous meses foi concedido un préstamo por valor dun millón douscentos mil euros en relación á liña de pago a provedores, e, como quedaron unha serie de facturas pendentes de pago por valor de 70.000 euros, a mesma entidade bancaria, Banesto, comunicou ao concello que se podía acoller a un segundo préstamo para afrontar estes pagos.

(.....)

Rematadas as intervencións, o Pleno da Corporación por unanimidade dos membros presentes adoptou os seguintes acordos:

Primeiro.- Autorizar a concertación dunha operación de endebedamento a longo prazo, de acordo coas seguintes condicións:

IMPORTE MÁXIMO	70.212,16€.
-----------------------	-------------

CARACTERÍSTICAS FINANCEIRAS DA OPERACIÓN	
<i>Prazo máximo</i>	10 anos
<i>Carencia</i>	Parcial, de dous anos (nos que só se abonarán os xuros da operación)
<i>Tipo de xuro aplicable</i>	O equivalente ao custe de financiamento do Tesoro Público aos prazos señalados máis unha marxe máxima de 115 puntos básicos, ao que se engadirá unha marxe de intermediación dun máximo de 30 puntos básicos.
<i>Garantías</i>	A amortización do principal, intereses e comisións das operacións de endebedamento das entidades locais estará cuberta en caso de incumprimento ca retención a favor do Estado da participación da entidade local nos tributos do Estado.
<i>Outras condicións</i>	As operacións deberán contemplar a posibilidade de efectuar cancelacións anticipadas.

Segundo.- Facultar ao señor alcalde don Santiago V. Amor Barreiro, para cantas actuacións de trámite sexan precisas para a mellor execución do acordado”.

C) PARA CONTROL DO GOBERNO:

Punto Oitavo.- Rogos e Preguntas.

Non se producen rogos nin preguntas.

E non habendo mais asuntos de que tratar o señor alcalde presidente dou por rematado o acto e levantou a sesión ás vinte horas e vinte minutos do día 26 de xullo de 2012, de todo o que eu como secretaria certifico.

Vº Prace

A secretaria

O alcalde